



## საქართველოს გაერთიანებული სახელმწიფოს და სოფლის მეურნეობის მინისტრი

### ბრძანება N 2-634

08/07/2019

ქ. თბილისი

#### ჩხოროწყუს მუნიციპალიტეტში, სოფელ ზუმში ფ/პ პაატა ბერაძის ხეხილის ბაღის სარწყავი (სამელიორაციო) სისტემის მოწყობა-ექსპლუატაციაზე სკრინინგის გადაწყვეტილების შესახებ

ფ/პ პაატა ბერაძის მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია „ჩხოროწყუს მუნიციპალიტეტში, სოფელ ზუმში ფ/პ პაატა ბერაძის ხეხილის ბაღის სარწყავის (სამელიორაციო) სისტემის მოწყობა-ექსპლუატაციის“ სკრინინგის განცხადება.

წარმოდგენილი დოკუმენტაციით დგინდება, რომ ხეხილის ბაღი მდებარეობს ჩხოროწყუს მუნიციპალიტეტში, სოფ. ზუმში ფ/პ პაატა ბერაძის საკუთრებაში არსებულ სასოფლო-სამეურნეო დანიშნულების მიწის ნაკვეთზე. ნაკვეთის ფართობი შეადგენს 50 180 მ<sup>2</sup> (საკადასტრო კოდი: 46.11.33.244). ტერიტორია უახლოესი საცხოვრებელი პუნქტიდან დაშორებულია 100 მეტრით.

სკრინინგის განცხადების თანახმად, ფ/პ პაატა ბერაძეს, ხეხილის ბაღის წყალმომარაგების მიზნით, დაგეგმილი აქვს წყლის აღება მდ. სკურჩადან.

სარწყავი სისტემის სიგრძე იქნება 400 მეტრი. პოლიეთილენის მილების დიამეტრი შეადგენს 75 მმ. მდ. სკურჩადან აღებული წყალი მილით მიეწოდება 800 ტ. ტევადობის წყლის საცავს, საიდანაც მოხდება მცენარეების მოწყობა. ხეხილის ბაღის მოსარწყავად ერთი წლის განმავლობაში გათვალისწინებულია 10 000 მ<sup>3</sup> წყლის გამოყენება. (მდ. სკურჩას წყალაღების GPS კოორდინატებია X=265134; Y=4721148;).

სარწყავი მილის მოწყობის დროს დაგეგმილია 1 ცალი 12.0 მ<sup>3</sup>/სთ წარმადობის ტუმბოს მონტაჟი, რომელიც იმუშავებს ელექტროენერგიაზე და წელიწადში მოიხმარს საშუალოდ 8 000 კილოვატ ელ.ენერგიას.

სარწყავი მილის განთავსება დაგეგმილია 30 სმ სიღრმის და 25 სმ სიგანის ტრანშეაში, რომელშიც ჩაიდება მილი და მისი დაფარვა მოხდება სამუშაოებისას ამოღებული გრუნტით. მილის განთავსების ტერიტორია განეკუთვნება ადგილობრივ თვითმართვებულებას და სამუშაოების დაწყებამდე შეთანხმდება ადგილობრივ მუნიციპალიტეტთან.

სარწყავი სისტემის მოწყობის დროს სახიფათო და არასახიფათო ნარჩენების წარმოქმნას ადგილი არ ექნება.

საპროექტო არეალის მდებარეობიდან და საქმიანობის სპეციფიკიდან გამომდინარე ბიომრავალფეროვნებაზე მნიშვნელოვანი ზემოქმედება მოსალოდნელი არ არის.

ექსპლუატაციის ეტაპზე, შესაძლო ხმაურის წყაროს წარმოადგენს წყლის ტუმბო, რომლის განთავსების და სიმძლავრის გათვალისწინებით მისი ხმაურით გამოწვეული ზემოქმედება არ იქნება მნიშვნელოვანი.

მცენარეული საფარისგან თავისუფალია და ზემოქმედება არ არის მოსალოდნელი.

სამელიორაციო სისტემის მოწყობის ეტაპზე მილის პარამეტრების გათვალისწინებით მნიშვნელოვანი ზემოქმედება ნიადაგის ნაყოფიერ ფენაზე და გრუნტის ხარისხზე მოსალოდნელი არ არის.

სარწყავი სისტემის მოწყობის და ექსპლუატაციის ეტაპზე ზემოქმედება ატმოსფერულ ჰაერზე მოსალოდნელი არ არის.

სამელიორაციო სისტემის მოწყობის და ექსპლუატაციის ეტაპზე ავარიული სიტუაციებისა და კატასტროფების რისკი არ არსებობს.

სკრინინგის განცხადების მიხედვით, ვიზუალური შეფასებით, ტერიტორიაზე ისტორიულ-კულტურული მემკვიდრეობის ძეგლები არ აღინიშნება.

დაგეგმილი საქმიანობის სპეციფიკიდან და ყოველივე ზემოაღნიშნულიდან გამომდინარე, სარწყავი (სამელიორაციო) სისტემის მოწყობა და ექსპლუატაცია არ არის დაკავშირებული გარემოზე მნიშვნელოვან ზემოქმედებასთან.

### **ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის საფუძველზე**

#### **ვ ბ რ ძ ა ნ ე ბ:**

1. მიღებულ იქნეს სკრინინგის გადაწყვეტილება, რომ ჩხოროწყუს მუნიციპალიტეტში, სოფ. ზუმში ფ/პ პაატა ბერაძის ხეხილის ბაღის სარწყავი (სამელიორაციო) სისტემის მოწყობა-ექსპლუატაცია **არ დაექვემდებაროს** გარემოზე ზემოქმედების შეფასებას;
2. ფ/პ პაატა ბერაძე ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს ფ/პ პაატა ბერაძეს;
4. ბრძანება ძალაში შევიდეს ფ/პ პაატა ბერაძის მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და ჩხოროწყუს მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-

12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი